



PERBADANAN LABUAN

Wisma Perbadanan Labuan, Peti Surat 81245, 87022 Wilayah Persekutuan Labuan
Tel: 087 408600/601 Faks: 087 428997
Laman web: www.pl.gov.my

SIARAN MEDIA

UNTUK LIPUTAN MEDIA MASSA

ACARA PENGANJURAN TEATER RAKYAT LABUAN

LABUAN, 19 Mac 2018 – Perbadanan Labuan (PL) akan menganjurkan teater yang bertajuk "Batu Duyung Si Bongkok" pada 31 Mac 2018 dan 1 April 2018, jam 8.30 malam bertempat di Mini Auditorium Taman Damai, PL.

2. Teater ini adalah karya saudara Fareth Rudy Agang yang mengambil ilham daripada kisah Duyung dan Batu Si Bongkok yang merupakan cerita rakyat Labuan. Batu Duyung Si Bongkok mengisahkan Dang Sira dan suaminya Awang Senggora Alam pengusaha sira (garam) secara kecil - kecilan yang menghadap Sultan Salam Aqamaddin di istana dengan tujuan mencuba nasib untuk mendapatkan kepercayaan Sultan bagi mengusahakan gedung sira Sultan yang terletak tidak jauh dari pesisir pantai tetapi Dang Sira dan suaminya Awang Senggora Alam perlu patuh pada beberapa syarat yang dikenakan oleh Sultan Salam Aqamaddin. Walau bagaimanapun, Dang Sira dan suaminya bersetuju dengan titah sultan meskipun berat dan susah untuk dilaksanakan kerana keadaan Dang Sira yang sedang mengandung menunggu hari untuk melahirkan anak sulung mereka. Apakah yang akan terjadi di gedung sira itu nanti? Bagaimanakah nasib anak dalam kandungan Dang Sira dan diri Dang Sira? Menjadi persoalan apakah kaitan diantara Duyung dan Si Bongkok?

3. Tiket dengan harga RM10.00 sekeping akan mula dijual pada 26 Mac 2018 (Isnin), jam 9.00 pagi hingga 4.30 petang bertempat di Jabatan Pelancongan, Kebudayaan dan Kesenian (JPKK), Blok A, Wisma PL. Sebarang pertanyaan lanjut bolehlah menghubungi JPKK, PL di talian 087 – 408740/746.

4. PL telah menerbitkan pementasan teater sulung pada tahun 2012 berjudul Bawang Putih Bawang Merah disusuli dengan teater Pulau Mayat pada tahun 2013, teater Lawak Borneo pada tahun 2014 dan teater Legenda Pulau Mayat pada tahun 2015.

Disediakan oleh:

Jabatan Hal Ehwal Korporat
Perbadanan Labuan
19 Mac 2018